

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

MIŠLJENJE
po Zahtjevu Ministarstva saobraćaja u Vladi Kantona Sarajevo
na Prijedlog Zakona o javnom linijskom prijevozu putnika u Kantonu Sarajevo

Sarajevo,
decembar 2012. godine



Broj: 01-26-7-022-20 -I/11
Sarajevo, 20. decembar 2012. godine

Na osnovu člana 25. stav (2) tačka f) Zakona o konkurenciji („Službeni glasnik BiH“, br. 48/05, 76/07 i 80/09), a po Zahtjevu za davanje mišljenja Ministarstva saobraćaja u Vladi Kantona Sarajevo, Reisa Džemaludina Čauševića 1, 71000 Sarajevo, zaprimljenom dana 22.11.2012. godine pod brojem: 01-26-7-022-19-I/11, Konkurencijsko vijeće, na 49 (četrdesetdevetoj) sjednici održanoj dana 20. decembra 2012. godine, je donijelo

MIŠLJENJE

Prijedlog Zakona o javnom prijevozu putnika u Kantonu Sarajevo je usaglašen sa Zakonom o konkurenciji.

O b r a z l o ž e n j e

Ministarstvo saobraćaja u Vladi Kantona Sarajevo, Reisa Čauševića 1, 71000 Sarajevo (u daljem tekstu: Ponosilac zahtjeva) je dostavilo, pod brojem: 01-26-7-022-19-I/11, dana 22.11.2012. godine, Zahtjev za davanje mišljenja (u daljem tekstu: Zahtjev) o usklađenosti Prijedloga Zakona o javnom prijevozu putnika u Kantonu Sarajevo (u daljem tekstu: prijedlog Zakona) sa odredbama Zakona o konkurenciji.

Konkurencijsko vijeće je dana 16. maja 2012. godine na 35. sjednici, donijelo mišljenje broj 01-26-7-022-14-I/11, kojim je utvrđeno da je nacrt Zakona o javnom prijevozu putnika u Kantonu Sarajevo (u daljem tekstu: nacrt Zakona), usaglašen sa Zakonom o konkurenciji.

Podnosilac zahtjeva navodi da je nakon održane javne rasprave na nacrt Zakona, te sublimiranja primjedbi, prijedloga i mišljenja zainteresiranih subjekata, nacrt Zakona izmijenjen na način da su uvažene sugestije koje ne mijenjaju suštinu nacrta Zakona na koji je Podnosilac zahtjeva dobio pozitivno mišljenje Konkurencijskog vijeća.

Također, napominje da je osnovni koncept Zakona ostao isti uz poštivanje svih primjedbi koje je Konkurencijsko vijeće dalo u prethodnim mišljenjima (broj: 01-26-7-022-1-I/11 od 22.12.2011. godine i 01-26-7-022-11-I/11 od dana 23.03.2012. godine).

Uvidom u tekst prijedloga Zakon, te poređenjem istog sa tekstom nacrta Zakona na koji je ranije dato pozitivno mišljenje, utvrđeno je da se pojedinim izmijenjenim odredbama ne krše odredbe Zakona o konkurenciji, te je Konkurencijsko vijeće donijelo Mišljenje kao u dispozitivu.

Predsjednica

Gordana Živković